

19. april 2002

FM 2002/6

**Atuisartunut pisisartunullu siunnersuisoqatigiit, tuniniaasarneq,
nalunaaqutsersuisarneq, akit aamma atuisartunut pisisartunullu
maalaaruteqartarfittut ataatsimiititaliat pillugit Inatsisartut inatsisaata
allanngortinneqarneranik Inatsisartut Inatsisissaattut siunnersuut**

pillugu

Inatsisartut Inuussutissarsiornermut Ataatsimiititaliaata

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inatsisartut Inuussutissarsiornermut Ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Simon Olsen, Siumut, siulittaasoq
Inatsisartuni ilaasortaq Finn Karlsen, Atassut, siulittaasup tullia
Inatsisartuni ilaasortaq Ruth Heilmann, Siumut
Inatsisartuni ilaasortaq Maliinanguaq M. Mølgaard, Inuit Ataqaatigiit
Inatsisartuni ilaasortaq Mads Peter Grønvald, Kattusseqatigiit

Inatsisartut Inuussutissarsiornermut Ataatsimiititaliaata UPA 2002-mi siullermeerinerup kingorna inatsisissatut siunnersuut nassuiaatitai ilanngullugit misissuataarpaa.

Tusarniaanermi akissutisiat

Ataatsimiititaliap siunnersuummik matuminnga suliarinninnermini atugassamisut tusarniaanermi akissutisiat nuutinneqarneri piniarpai.

Siunnersuutip imarisai

Ataatsimiititaliap maluginiarpaq siunnersuutikkut periarfissinniarneqartoq tassaasoq Atuisartunut Pisisartunullu Maalaaruteqartarfittut Ataatsimiititaliap allattoqarfiata Unammilleqatigiinnermut Ataatsimiititaliap aamma Atuisartunut Pisisartunullu Siunnersuisoqatigiit ataatsimut allattoqarfiannut ilanngunneqarnissaa. Ataatsimiititaliamittaaq maluginiarneqarpoq atuisartut pisisartullu aamma inuussutissartinik ingerlataqartut ataatsimiititaliami katitigaanerannik oqimaaqatigiissaarneqarnerannillu allannguinnissaq inatsisissatut siunnersuuteqarnermi anguniagaanngitsaq. Taamaalillunilu siunnersuut ilusilersuinnermut allaffissornermillu tunnganeruvoq.

Ataatsimiititaliap naggasiullugu oqaatigissavaa Atuisartunut Pisisartunullu Maalaaruteqartarfittut Ataatsimiititaliap allaffissornikkut nukissatigit patajaallisaavigineqarnera nunatsinni tamanit aammalu atuisartunit pisisartunillu ilisimaarineqarnerulerneranik kinguneqarnissaa neriuutiginarinneqarmat.

Inuussutissarsiornermut Ataatsimiititaliap isumaqatigiittup siunnersuutip akuersissutigineqarnissaa inassutigaa.

Taama oqaaseqarluni Inatsisartut Inuussutissarsiornermut Ataatsimiititaliaata atuisartunut pisisartunullu siunnersuisoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaata allan-ngortinneqarneranik Inatsisartut Inatsisissaattut siunnersuut Inatsisartunit aappassaaniigassanngortippaa.

Simon Olsen, Formand

Finn Karlsen

Ruth Heilmann

Maliinannguaq M.
Mølgaard

Mads Peter Grønvald

FM 2002/6
J.nr. 01.31.06.03-8